



Arkivnr: 2014/2-38  
Saksbehandlar: Adeline Berntsen Landro

## Saksframlegg

### Saksgang

Utval	Saknr.	Møtedato
Hordaland fagskulestyre		06.05.2014

## Tilbudsstruktur for skuleåret 2014/15 - tekniske og maritime fag

### Samandrag

Sak om foreløpig tilbudsstruktur for skuleåret 2014/15 vart handsama i Hordaland fagskulestyre 05.11.2013, og vedtaket la grunnlaget for kva fagskuletilbod det var mogleg å søkje på. Etter at søknadsfristen gjekk ut 15. april 2014 skal styret handsama ny sak med eventuell justering av tilbodet etter søkjartala. Fagskolane i Hordaland hadde totalt 1096 søkjarar våren 2014. Dette er ein liten auke frå året før då det var 1022 søkjarar innan søknadsfristen til tekniske og maritime fag. Det er god søknad til utdanningane, og det er berre ei endring som er føreslegen. Det vart ikkje nok søkjarar til å starta opp tilbodet Akvakultur, og dette tilbodet er difor ikkje føreslege oppretta.

### Forslag til vedtak

Hordaland fagskulestyre vedtek endeleg tilbudsstruktur for skuleåret 2014/15 som vist i dette saksframlegget.

Svein Leidulf Heggheim  
fylkesdirektør opplæring  
ansvarleg for saksførebuing til fagskulestyret

Linda Farestveit  
seksjonsleiar skule

*Saksframlegget er godkjent elektronisk og har derfor inga underskrift.*

## Fylkesrådmannen, 23.04.2014

Sak om foreløpig tilbudsstruktur for skuleåret 2014/15 vart handsama i styret 05.11.2013 og vedtaket la grunnlaget for kva fagskuletilbod det var mogleg å søkje på. Etter at søknadsfristen gjekk ut 15. april 2014 skal styret handsama ny sak med eventuell justering av tilbudet etter søkjertala.

## Oppsummering av tilbudsstrukturen for Fagskolane i Hordaland

	OPPSUMMERT	vekting	forventa studenttal 1. år	omrekna til heilårsekvivalentar 1 år	Sum Total	søklarar 1. år	avslag (-) / restplassar (+)	Merknad	Budsjett
642	BERGEN TEKNISKE FAGSKOLE		289,00	224,17	595,38	659,00	-370,00		51 630 653
655	BERGEN MARITIME FAGSKOLE		142,00	167,00	338,00	384,00	-217,00		27 040 000
	<b>Totalt Tekniske fag</b>		<b>431,00</b>	<b>391,17</b>	<b>933,38</b>	<b>1096,00</b>	<b>-640,00</b>		<b>78 670 653</b>

Som tabellen over syner hadde Fagskolane i Hordaland totalt 1096 søklarar med Fagskolane i Hordaland som fyrste val våren 2014. Dette er ein liten auke frå året før då det var 1022 søklarar innan søknadsfristen til tekniske og maritime fag. Tabellen syner vidare at det vil verte gjeve avslag til 640 søklarar. I realiteten vert det ikkje gjeve avslag til så mange. Årsaka til dette er at fagskulane ofte tek inn fleire enn det er rom for i tilbudsstrukturen innan kvart tilbod for at ikkje fråfall skal gje konsekvensar for storleiken på klassane over tid. Det vil sei at ein klasse vert på om lag 30 studentar og ikkje 25 eller 28 slik som tilbudsstrukturen syner seinare i saka. Årsaka til at det er sett eit tak på 25 eller 28 per klasse er at dette er det talet ein kan garantere for innanfor ramma.

Ramma for teknisk og maritim fagskule er på om lag 79,2 millionar kroner, og det vert soleis eit mindreforbruk i høve til dimensjoneringa på om lag ein halv million. Årsaka til dette vert omtala seinare i saka. Satsen i forslaget til tilbudsstrukturen i november og i denne saka er sett til kr. 80 000,- per heiltidsekvivalent.

## Tilbudsstruktur for Bergen tekniske fagskole

	642 BERGEN TEKNISKE FAGSKOLE	vekting	forslag studenttal 1. år	omrekna til heilårsekvivalentar 1 år	Sum Total	søklarar 1. år	avslag (-) / restplassar (+)	Merknad	Budsjett
	Klima, energi og miljø i bygg FTB03N	0,67	0	0,00	43,70	0,00	0	Opprettes ikke	3 496 000
	KEM /Tak og fasade N	0,67	25	16,75	16,75	48,00	-23		1 340 000
	Bygg FTB01H	1,00	25	25,00	58,25	69,00	-44		4 660 000
	Bygg FTB01N	0,67	25	16,67	61,95	63,00	-38	14 studenter til anlegg Voss 2. år	4 956 253
	Automatisering FTE01H	1,00	25	25,00	44,95	38,00	-13		3 596 000
	Automatisering FTE01N	0,67	25	16,75	57,37	53,00	-28		4 589 760
	Elkraft FTE03H	1,00	25	25,00	57,00	55,00	-30		4 560 000
	Elkraft FTE03N	0,67	25	16,75	66,59	102,00	-77		5 326 960
	Maskinteknikk FTT04H	1,00	25	25,00	54,45	54,00	-29		4 356 000
	Maskinteknikk FTT04N	0,67	25	16,75	34,80	59,00	-34		2 784 000
	Maskinteknikk med ISO FTT04N	0,67	0	0,00	19,73	0,00	0	Opprettes ikke	1 578 520
	Prosessteknikk FTK015H	1,00	0	0,00	0,00	0,00	0	Opprettes ikke	-
	Prosessteknikk FTK016N	0,67	25	16,75	45,64	41,00	-16		3 651 160
	Maskin/Elkraft på Stord	1,00	0	0,00	0,00	0,00	0	"Konstant"	4 000 000
	Drift og sikkerhet FTD02H	1,00	0	0,00	0,00	0,00	0	Opprettes ikke	-
Hjeltnes	Arborist FPS01D	0,50	14	7,00	7,00	25,00	-11		560 000
Fusa/Aust.	Akvakultur FPH01H	0,67	0	0,00	0,00	6,00	-6	Opprettes ikke	-
Voss	Anlegg FTB02H	1,00	0	0,00	10,45	20,00	-20	Opprettes ikke	836 000
Voss	Anlegg FTB02N	0,67	25	16,75	16,75	26,00	-1	Nett andre år ligger i Bergen	1 340 000
	<b>Total Bergen tekniske fagskole</b>		<b>289,00</b>	<b>224,17</b>	<b>595,38</b>	<b>659,00</b>	<b>-370,00</b>		<b>51 630 653</b>

Tabellen over syner at det var totalt 659 søklarar til Bergen tekniske fagskole denne våren. Innanfor den ramma skulen vart gjeve i november er det mogleg å ta inn 289 studentar. Ved hovudeininga er det ingen endring i tilbudsstrukturen i høve til strukturen som vart vedtatt i november 2013.

Tilbodet Akvakultur ved studiestaden Fusa/Austevoll fekk berre 6 søklarar, og det vert difor føreslege å ikkje oppretta dette tilbudet hausten 2014. Dette er ei endring frå tilbudsstrukturen som vart vedtatt med finansiering av til saman 10 nettstudentar (6,7 heiltidsekvivalentar) for skuleåret 2014/15. Tidlegare vedtak i Hordaland fagskulestyre har bestemt at ein skulle søkje medfinansiering hos blant anna næringa for å

fullfinansiera tilbodet, og summen for tilbodet som vist i strukturen er difor ikkje høgt nok for ein heil klasse. Forslaget om å ikkje opprette dette tilbodet på grunn av låge søkjartal er årsaka til at dimensjoneringa syner eit mindreforbruk på om lag ein halv million kroner. Administrasjonen ved Opplæringsavdelinga vil tilrå at desse midlane vert justert inn i tilbodsstrukturen som ein auke i studentsatsen.

Det vart stadfesta i foreløpig tilbodsstruktur (vedtatt 05.11.2013) at det skulle opprettast eitt tilbod innan Anlegg nett ved studiestaden Voss. I styremøtet 9. januar 2014 vart det bestemt at Bergen tekniske fagskole kunne lyse ut både nett-tilbod og dag-tilbod innan Anlegg ved studiestaden Voss, og at det tilbodet som det var flest søkjarar til vart oppretta. Søkjartala til studiestaden er svært gode i høve til tidlegare år, og som tabellen over syner er det 20 søkjarar til dag-tilbodet, og 26 søkjarar til nett-tilbodet. Dei tilsette ved studiestaden Voss ønskjer at dag-tilbodet vert oppretta av di dette tilbodet gjev ein meir stabil aktivitet enn nett-tilbodet. Administrasjonen ved Opplæringsavdelinga har sett nærare på søkjarane til dag-tilbodet og ser at ein søkjar ikkje er kvalifisert, og at tre søkjarar søker på vilkår av bestått fagprøve innan skulestart. Av søkjarane til dag-tilbodet har fire kvalifiserte søkjarar også søkt plass på nett-tilbodet ved studiestaden Voss som andre val. På bakgrunn av dette vil administrasjonen ved Opplæringsavdelinga tilrå at nett-tilbodet vert oppretta då dette tilbodet har godt potensiale til å verte størst i høve til talet på studentar.

For å få ein god og stabil aktivitet ved studiestaden Voss vil det vere høveleg å starta opp dag-tilbodet annakvart år, og nett-tilbodet annakvart år. Dette gjer at skulen opprettheld ein stabil studentmasse og vil heile tida ha studentar som studerer heiltid og deltid av di tilboda er 2 år i omfang. Administrasjonen ved Opplæringsavdelinga vil difor tilrå at nett-tilbodet vert starta opp hausten 2014, og at det vert starta opp eit dag-tilbod hausten 2015 med atterhald om nok søkjarar.

#### Tilbodsstruktur for Bergen maritime fagskole

655	BERGEN MARITIME	vektning	forslag studenttal 1. år	omrekna til heilårsekvivalentar 1 år	Sum Total	søklarar 1. år	avslag (-) / restplassar (+)	Merknad	Budsjett
	Maskinoffiser FTM02H	1	28	28,00	56,00	67,00	-39,00		4 480 000
	Dekksoffiser FTM01H	1	28	28,00	56,00	70,00	-42,00		4 480 000
	Boring FTP01H	1	58	58,00	118,00	162,00	-104,00		9 440 000
	Havbunnsinstallasjoner FTP04H	1	28	28,00	58,00	60,00	-32,00		4 640 000
Austevoll	Dekksoffiser FTM01H	1	25	25,00	50,00	25,00			4 000 000
	<b>Total Bergen maritime vgs</b>		<b>142,00</b>	<b>167,00</b>	<b>338,00</b>	<b>384,00</b>	<b>-217,00</b>		<b>27 040 000</b>

Det var totalt 384 søkjarar til Bergen maritime fagskole denne våren. Av desse var det 25 søkjarar til studiestaden Austevoll. Tabellen over syner at det er 142 ledige studieplasser ved Bergen maritime fagskole, og at om lag 217 søkjarar vil få avslag. Det er ingen endringar ved tilbodsstrukturen for Bergen maritime fagskole i høve til sak om foreløpig tilbodsstruktur som vart handsama av styret i november 2013.